



zenički privredni

2020

BILTEN

SLUŽBE ZA PRIVREDU I UPRAVLJANJE RAZVOJEM GRADA ZENICA I ZENIČKE RAZVOJNE AGENCIJE ZEDA



NEWLETTER 1/2020

Grad Zenica se nalazi u procesu rekonstrukcije privrede koja danas potiče razvoj MSP i zalaže se za porast produktivnosti i konkurentnosti koje su okosnica kreiranja nove industrijske politike i ponude s ciljem razvoja i modernizacije.

Gradovi moraju razvijati

svoje poslovno okruženje jer ga ono čini atraktivnim za investitore i inovatore. Uz investicije i inovacije se povećava produktivnost, stvaraju se održiva radna mjesta, te povećavaju izvoz, zaposlenost i blagostanje.

Grad Zenica kontinuirano koristi brojne meha-

nizme razvoja i u saradnji sa partnerima gradi Zenicu koja se pretvara u evropski grad.

U nastavku predstavljamo aktivnosti Službe za privredu i upravljanje razvojem i Agencije ZEDA koje su realizovane u prvom kvartalu 2020. godine.



GRAD ZENICA OKONČAO PROJEKAT UREĐENJA POSLOVNE ZONE ZENICA 1- SADNJA DRVEĆA OD SANITARNE I ESTETSKE VAZNOSTI



U decembru 2019. godine počele su aktivnosti hortikulturnog uređenja Poslovne zone Zenica 1 koje je realizovao Grad Zenica u saradnji sa preduzećem „Agro-vrt“ d.o.o. Kakanj koje je izabrano kao najpovoljniji ponuđač na tenderu „Hortikulturno uređenje Poslovne zone Grada Ze-

nica“ koji je objavio Grad Zenica 28. oktobra 2019. godine i trajao je do 12. novembra 2019. godine. U Zoni su zasađene katalpe, srebrne smrče, džanarike i ukrasno bilje, a na samom ulazu provedeni su građevinski radovi tokom kojih je uklonjen asfalt i zasađeno drveće, te se

formirao travnjak.

Također, provedena je sjetva trave na površini od 600 m², kao i sadnja ružičnjaka sa bordurom od šimšira.

Radovi su okončani sredinom februara 2020. godine, a vrijednost ugovorenih radova iznosila je 19.985,00 KM (bez PDV).

AGENCIJA ZEDA USPJEŠNO REALIZOVALA PROJEKAT - „RJEŠENJE HORTIKULTURNOG UREĐENJA PROSTORA UZ GRANICU POSLOVNE ZONE ZENICA 1 PREMA ARCELOR MITTALU I GGM“

Agencija ZEDA je aplicirala na Javni konkurs za dodjelu sredstava za realizaciju programa, projekata i sličnih aktivnosti iz područja zaštite okoliša za 2019. godinu, koji je objavljen u maju 2019. godine od strane Fonda za zaštitu okoliša FBiH, LOT 9 – koji obuhvata projekte koji se odnose na smanjenje emisija štetnih plinova od industrije i saobraćaja, na poboljšanje i očuvanje kvalitete zraka, naročito u urbanim sredinama.

ZEDA je aplicirala s projektom „Rješenje hortikulturnog uređenja prostora uz granicu Poslovne zone Zenica 1 prema Arcelor Mittalu i GGM“, te je Fond za zaštitu okoliša FBiH Agenciji ZEDA odobrio sredstva u iznosu od 20.000 KM, a preostala potrebna sredstva za realizaciju projek-

ta sufinansirali su Grad Zenica i Agencija ZEDA.

Ugovor između Agencije i Fonda je potpisan 20. januara 2020. godine. Nakon što je ZEDA raspisala tender, te poslije provedene procedure, kao najpovoljniji ponuđač na tenderu, izabrano je preduzeće „PRUNUS“ d.o.o. Kakanj.

Cilj projekta bio je formiranje prirodne, zelene barijere između Poslovne zone Zenica 1, naselja i Arcelor Mittala u dijelu grada u nesporednoj blizini Arcelor Mittala kao jednog od najvećih zagađivača u zenici.

Uspostavljanjem zelene površine sa sadnicama odnosno povećanjem brojem biljnih kultura u u Poslovnoj zoni Zenica 1 i neposrednoj blizini urbanog naselja, doprinosi se

većem pohranjivanju ugljen dioksida i većem oslobađanju kisika što direktno poboljšava kvalitet zraka. Cilj projekta je i izvršiti apsorpciju industrijske buke što omogućava bolje uslove življenja u prostorima izloženim istoj. Pored ovog ostvarila se i estetsko dekorativna funkcija koja ublažava krute i hladne građevinske forme. Sadnja stabala i razvoj zelene infrastrukture kroz brojne pogodnosti, značajno utiču na poboljšanje kvaliteta života, kako u Poslovnoj zoni Zenica 1, tako i u gradu. Radovi su okončani u martu 2020.

Istovremeno, Grad Zenica je provodio aktivnosti hortikulturnog uređenja Poslovne zone Zenica 1 u saradnji sa preduzećem „Agro-vrt“ d.o.o. Kakanj.

AGENCIJE ZEDA - „UNAPREĐENJE INFRASTRUKTURE BIZNIS INKUBATORA I TECHNOPARKA“

Agencija ZEDA i Grad Zenica su u februaru okončali šestomjesečni projekat "Unapređenje infrastrukture Biznis inkubatora i TechnoParka". Naime, ZEDA je aplicirala na Javni konkurs za odabir korisnika grant sredstava tekućih transfera za 2019. godinu koji je raspisalo Federalno ministarstvo razvoja, poduzetništva i obrta, upravo s ovim Projektom. Projekat je odobren i njegova implementacija je zvanično počela 18. septembra 2019. godine.

Ukupna vrijednost projekta iznosila je 44.078,07 KM, a ZEDA je od Ministarstva dobi-

la grant sredstva u iznosu od 15.000 KM za sufinansiranje, a 29.000,00 KM su sufinansirali Grada Zenica i Agencija ZEDA. Ovaj Projekat je imao za cilj unapređenje infrastrukture Biznis inkubatora i TechnoParka, stvaranje adekvatnih uslova za korisnike Zone, BIZ-a i TPZ, te održavanje kreativnih/edukativnih radionica.

Projektom su obnovljeni dotrajali mokri čvorovi u objektu Inkubatora, zamijenjeni dotrajali oluci na objektima B i C Inkubatora, adaptirana fasada na B objektu Inkubatora, uspostavljen sistem videonadzora, urađeno biciklističkičko

stajalište i pristupna rampa za invalidne osobe, te su realizovane kreativne radionice koje su imale za cilj promociju razvoja ženskog poduzetništva. Sve ove aktivnosti, doprinijele su bolji uslovima i ambijentu onih koji rade u Poslovnoj zoni odnosno Biznis inkubatoru Zenica i TechnoParku Zenica. Iz godine u godinu, kroz različite aktivnosti ZEDA i Grad Zenica zajedno sa partnerima rade na poboljšanju uslova, proširenju kapaciteta i stvaranju ugodnog ambijenta upravo ovdje gdje nastaju brojna MSP i razvijaju svoje poslovne ideje.

PREZENTACIJA KORISNIKA BIZNIS INKUBATORA ZENICA

U januaru 2020. godine, Agencija ZEDA koja upravlja Biznis inkubatorom Zenica, počela je promociju korisnika Biznis inkubatora Zenica. Radi se o prezentaciji poslovnih ideja, poduzetničke priče od nastanka preko razvoja pa do stanja u kojem su stanari Inkubatora spremni da napuste Inkubator i poslovanje nastave na tržištu. Promo-

tivnu priču dobit će svaki korisnik Inkubatora, dakle, njih više od 40, a priča se svakog utorka objavljuje na službenoj stranici Agencije ZEDA, društvenim mrežama i u medijima s kojim Agencija saraduje. Na ovaj način se želi pružiti profesionalna prezentacija malih biznisa i javnosti predstaviti šta su to i na koji način pokrenuli zenički

privrednici koji koriste usluge Inkubatora. Ovo je još jedan način da se stanarima Inkubatora omogući za njih sazna šira javnost i da predstave sebe i svoju kompaniju. Kvalitetno odabrani oblici, mediji i instrumenti marketinške komunikacije direktno su proporcionalni dobrom pozicioniranju marketinga i njegovih subjekata u cjelini.

PROJEKTI/EDUKACIJE I PREZENTACIJE U GRADSKOJ UPRAVI ZENICE ODRŽANO PREDAVANJE ZA PROIZVOĐAČE KRAVLJEG MLIJEKA

U sklopu Projekta razvoja tržišne poljoprivrede II (FARMA II), u Velikoj sali Grada Zenice, održano je predavanje na temu "Ishrana muznih krava". Predavanju su prisustvovali poljoprivredni proizvođači, odnosno proizvođači mlijeka s područja grada Zenice. Cilj je bio stručnim savjetima pomoći proizvođačima mlijeka kako da ostvare veći prinos mlijeka kod muznih krava, uz manje



Projekat razvoja tržišne poljoprivrede II (FARMA II)

Program pomoći američkog i švedskog naroda

troškove proizvodnje. Projekat USAID/Sweden FARMA II je petogodišnji projekat razvoja poljoprivrede i poljo-

privrednog poduzetništva, koji se temelji na ostvarenjima iz prethodnih aktivnosti USAID-a i Vlade Švedske.

Gradonačelnik Zenice, Fuad Kasumović, sastao se sa predsjednikom Udruženja poljoprivrednih proizvođača u ZDK Nerminom Marušićem i članom Upravnog odbora Mujom Garanovićem. Razgovarano je o trenutnim aktivnostima i planovima Udruženja za naredni period. Poseban fokus je bio na unaprjeđenju organizacije Sajma poljoprivrede i organske proizvodnje i narod-



GRADONAČELNIK FUAD KASUMOVIĆ NA SASTANKU S RUKOVODSTVOM UDRUŽENJA POLJOPRIVREDNIH PROIZVOĐAČA U ZDK

nog stvaralaštva "OPENS", te mogućnosti organizacije novog sajma privrede i poljoprivrede. Predsjednik Udruženja poljoprivrednih proizvođača u ZDK, Nermin Marušić, zahvalio je Gradskoj upravi i gradona-

čelniku Kasumoviću na dosadašnjoj podršci radu ovog Udruženja. Gradonačelnik je pozdravio namjeru Udruženja za poboljšanje i proširenje sajma "OPENS", kao i ideju o organizaciji potpuno novog sajma

privrede i poljoprivrede, koji bi bio smješten u Gradskoj areni "Husejin Smajlović" u Zenici. U znak zahvalnosti za podršku u radu i razvoju Udruženja, g. Marušić je gradonačelniku Kasumoviću uručio zahvalnicu.

ZAHVALNICA GRADONAČELNIKU KASUMOVIĆU ZA PODRŠKU U ORGANIZACIJI PRVOG "VISION HAIR SHOW ZENICA 2019."



Predstavnice Udruženja poslodavaca i Sekcije frizera i kozmetičara Zenica uručile su gradonačelniku Zenice, Fuadu Kasumoviću zahvalnicu za izdašnu potporu prili-

kom prvi put organizovanog Vision Hair Show-a u Zenici. Zahvaljujući na posjeti i zahvalnici, ne krijući svoje zadovoljstvo zbog organizovanog događaja koji je bio

svjetskog nivoa, zadivljujućih kreacija i fenomenalnih performansa, Gradonačelnik je obećao da će ovu manifestaciju i u bliskoj budućnosti rado podržavati.

DELEGACIJA KOMPANIJE RASIYAT IZ KRALJEVINE SAUDIJSKE ARABIJE U POSJETI GRADSKOJ UPRAVI ZENICA

Delegacija kompanije Rasiyat, iz Kraljevine Saudijske Arabije na čelu s direktorom Muhammadom A. Al-Yamanijem posjetila je Gradsku upravu Zenice gdje im je domaćin bio gradonačelnik, Fuad Kasumović sa saradnicima.

Pored predstavnika kompanije Rasiyat, Gradsku upravu je posjetio i šaik Mohammed bin Saqr al Qasimi. Cilj posjete je bilo predstavljanje dosadašnjih aktivnosti i rezultata ostvarenih u pogledu realizacije projekta izgradnje trgovačkog centra i rekreativnog kompleksa na zemljištu smještenom u Poslovno rekreativno - turističkoj zoni Zenica-Jug. Predstavnici kompanije Rasiyat su kroz kratki video film prikazali domaćinima iz Gradske uprave Zenica vlastite ideje za budući projekat, koji podrazumijeva izgradnju trgovačkog centra, hotela i drugih rezidencijalnih sadržaja, a potom su održali



prezentaciju rezultata dobivenih nakon analize svih relevantnih parametara za ulaganje u Zenicu. Istraživanje tržišta su na zahtjev kompanije Rasiyat izvršile renomirane svjetske agencije u toj oblasti. Direktor kompanije Rasiyat, Muhammad A. Al-Yamani je izrazio veliko zadovoljstvo zbog načina na koji je Gradska uprava Zenice prihvatila ideju

o ovom projektu.

Na kraju susreta upriličeno je potpisivanje Memoranduma o nastavku saradnje između Grada Zenice i investitora odnosno kompanije Rasiyat u pogledu definisanja prava i obaveza, kao i utvrđivanja uslova za realizaciju projekta izgradnje trgovačkog centra i rekreativnog kompleksa u Poslovnoj zoni Zenica-Jug.

OTVARANJE GRAĐEVINSKIH RADOVA NA IZGRADNJI TOPLANE ZENICA

Nakon što je 1. oktobra 2019. godine položen kamen temeljac i nakon što su službeno započeti radovi na realizaciji historijskog projekta za građane Zenice, održana je Ceremonija otvaranja građevinskih radova za izgradnju Toplane Zenica.

Projekt Toplana Zenica je pokrenut od strane ArcelorMittala Zenica, d.o.o. i Grada Zenice zajedno sa finskim partnerima KPA Unicon Oy i Finskim fondom za industrijsku saradnju u svrhu pružanja pouzdanog grijanja i ostvarivanja značajnog poboljšanja zaštite okoliša za građane Zenice. Ukupna vrijednost ovog projekta je oko 53 miliona Eura, od toga 41 milion eura su kreditna sredstva

obezbjedena od strane EBRD-a, a kredit je osiguran garancijom koju u potpunosti obezbjeđuje ArcelorMittal Grupa. Preostalih 12 miliona eura će biti obezbijeđeno direktnim ulaganjem partnera



u zajedničkoj kompaniji. Projekt izgradnje nove toplane podrazumijeva konstrukciju novih kotlova odnosno skrubera i elektrodu-

valjke, te popravku postojeće opreme energetike. Izgradit će se nova 3 kotla od 50 t/h i koristiti plinovi koji se generiraju u toku tehnološkog procesa ArcelorMittala Zenica, tj. koksnog i visokopećni plin. Proizvedena energija će se koristiti za tehnološke potrebe ArcelorMittala Zenica, obezbjeđujući grijanje gradu Zenici, kao i proizvodnju električne energije. Omjer vlasničkih udjela u zajedničkoj kompaniji "Toplana Zenica d.o.o.", je 50% u korist ArcelorMittala, 20% u korist grada Zenice i po 15 % za finske partnere KPA Unicon i FinnFund.

ODABIR ČLANOVA ODBORA OMLADINSKE BANKE ZENICA

Grad Zenica i Fondacija Mozaik su u januaru 2020. godine, potpisali Memorandum o saradnji za period 2020.-2023. godine kojim se uspostavlja Omladinska banka Zenica. To je program koji omogućava mladim ljudima da uzmu aktivno učešće u razvoju svoje zajednice kroz:

1. Pisanje i realizaciju projekata društvenog značaja;
2. Učešća u raspodjeli fondova;
3. Pokretanju vlastitog biznisa.

Omladinska banka Zenica je putem javnog poziva za prijem članova i članica u Odbor dobila članove Odbora zaduženog za upravljanje Omladinskom bankom, u saradnji sa Gradom i Fondacijom Mozaik.

ZENIČKIM PRIVREDNICIMA PREDSTAVLJENE KREDITNE LINIJE RAZVOJNE BANKE

Dana 13. februara 2020. godine, Agencija ZEDA u saradnji sa Razvojnou bankom FBiH organizovala je prezentaciju kreditnih linija Razvojne banke FBiH koje su predstavljene zeničkim privrednicima. Razvojna banka Federacije BiH je finansijska institucija čija je zadaća provođenje ekonomske politike Vlade Federacije BiH radi privrednog razvoja i zapošljavanja, kroz stimulatívno kreditiranje koje podrazumijeva razvojne stimulatívne i diferencirane kamatne stope, koje su niže od tržišnih kamatnih stopa. Privrednici su imali priliku dobiti informacije o kreditnim linijama koje su na raspolaganju, saznati detalje o uslovima apliciranja, predstaviti svoja interesovanja i planove timu Razvojne banke, te postaviti pitanja. Slične događaje ZEDA će nastaviti organizovati i u budućnosti.

U ZENICI ODRŽANA DRUGA RADIONICA ZA IZRADU STRATEGIJE RAZVOJA MSP

Dana 10. februara 2020. godine, održana je druga radionica za kreiranje strategije razvoja malih i srednjih preduzeća u Zenici za period 2021-2027., koja predstavlja nastavak rada na izradi Strategije razvoja MSP koja se radi uz podršku Agencije Eda, u sklopu projekta „SBA u BiH – okvir za razvoj strategija i politika za MSP“. Domaćin procesa je ZEDA – Zenička razvojna agencija, a stručnu i metodološku podršku pruža Eda.

Na radionici su predstavljeni i dopunjeni rezultati analize malih i srednjih preduzeća u okviru sistemske konkurentnosti i radilo se na definisanju glavnih elemenata strateškog dijela strategije razvoja MSP u Zenici.




Na radionici su učestvovali predstavnici federanih institucija, kantonalnih ministarstava, gradske administracije,

obrazovnih institucija koje saraduju sa MSP u Zenici, poslovnih asocijacija, te predstavnici razvojnih agencija.

GRAD ZENICA U 2019. GODINI NAPLATIO REKORDAN IZNOS SREDSTAVA PO OSNOVU ZAKUPNINE ZA POSLOVNE PROSTORE

Otkako su prije tri godine uređene procedure i kriteriji davanja u zakup poslovnih prostora u vlasništvu i na upravljanju Grada Zenice, prosjek naplate zakupnine dosegao je cifru od 98%, što je za 14% više nego u periodu od 2012. do 2015. godine.

Poslovni prostori koji su u vlasništvu i na upravljanju Grada Zenice daju se u zakup na osnovu uslova i kriterija utvrđenih u Odluci o zakupu poslovnih prostora i Pravilniku o procedurama davanja u zakup poslovnih prostora. Poslovni prostori daju se u zakup putem javnog oglasa i to usmenim nadmetanjem (licitacijom) ili prikupljanjem pisanih ponuda u zatvorenim kovertama. Od ukupno 403 poslovna prostora koja su trenutno u vlasništvu i na upravljanju Grada Zenice, po osnovu naplate zakupnine



je u protekloj godini ostvaren prihod od 1.272.766,66 KM. U 2017. i 2018. godini prihod po osnovu zakupnine iznosio je nešto više od milion konvertibilnih maraka, a u 2016. godini 926.574,10 KM.

Poslovne prostore radi obavljanja poslovnih i drugih djelatnosti mogu dobiti pravna i fizička lica na određeno vrije-

me odnosno na period od pet godina, osim u slučaju znatnih ulaganja u poslovni prostor kada vrijeme zakupa može trajati i deset godina. Visina zakupnine za poslovni prostor određuje se prema zoni u kojoj se poslovni prostor nalazi, korisnoj površini poslovnog prostora i djelatnosti koja se u poslovnom prostoru obavlja.

GRAD ZENICA ZA PREVENTIVNE MJERE ŠIRENJA ZARAZE KORONAVIRUSOM IZDVOJIO POLA MILIONA KONVERTIBILNIH MARAKA

Povodom aktuelne situacije uzrokovane širenjem koronavirusa u Grad Zenici formiran je Krizni štab civilne zaštite Grada Zenice. Na čelu Štaba je komandant Štaba civilne zaštite, što je po funkciji gradonačelnik Grada Zenice, Fuad Kasumović. Svakodnevno su se razmatrale i donosile preventivne mjere koje Grad Zenica kao jedinica lokalne samouprave može poduzeti u cilju sprječavanja širenja zaraze koronavirusom.

Grad Zenica je za poduzima-



nje mjera u cilju sprječavanja širenja zaraze koronavirusom izdvojio 500.000,00 KM. Odobrena sredstva su namijenje-

na za nabavku dezinfekcionih sredstava i lične zaštitne opreme, te pomoć najugroženijim kategorijama stanovništva.

OKONČANA ZAMJENA STOLARIJE NA POSLOVNIM PROSTORIMA KOJIMA UPRAVLJA GRAD ZENICA

Projekat zamjene fasadne bravarije na više poslovnih prostora koji su u vlasništvu i na upravljanju Grada Zenice izvršen je od strane izvođača radova "HDI" d.o.o. iz Sarajeva odabranog putem tendera. Radovi su izvršeni na sljedećim poslovnim prostorima:

1. Ispod zapadne tribine stadiona Bilino polje - na 6 poslovnih prostora;
2. Ulica Maršala Tita - na 6 poslovnih prostora;
3. Ulica Muhameda Seida Serdarevića - na 2 poslovna prostora;
4. Ulica Stara čaršija - na jednom poslovnom prostoru.



Sredstva u iznosu od 140.107,51 KM sa PDV-om obezbijeđena su u Budžetu Grada Zenice za 2019. godinu. Radovi su za-

vršeni u prvom kvartalu 2020. godine. Trenutno su 403 poslovna prostora u vlasništvu i na upravljanju Grada Zenice.

JAVNI POZIV ZA PODSTICANJE RAZVOJA BILJNE PROIZVODNJE

Javni poziv za dodjelu podsticajnih sredstava za poljoprivredne proizvođače s područja Grada Zenice u oblasti biljne proizvodnje: proizvodnja povrća na otvorenom, proizvodnja žitarica, proizvodnja povrća u plastenicima.

Podsticajna sredstva su namijenjena za poljoprivred-

ne proizvođače koji se bave jednom od gore navedenih poljoprivrednih proizvodnji i imaju zasnovanu proizvodnju na području Grada Zenice i to :

1. Za proizvođače povrća na otvorenom (krompir, luk, grah) podsticaj iznosi do 300,00 KM/dun;
2. Za proizvođače žitarica

podsticaj iznosi do 100,00 KM/dun;

3. Za proizvođače povrća u plastenicima podsticaj iznosi do 2,00KM/m².

Ukupan iznos sredstava Javnog poziva iznosi 130.000,00KM, koji je transfer sa Federalnog nivoa u 2019. godini za razvoj biljne proizvodnje.

REKONSTRUKCIJA I SANACIJA NA DRUŠTVENIM DOMOVIMA U SEDAM MJESNIH ZAJEDNICA

Nakon provedenog postupka javne nabavke, Grad Zenica potpisao je ugovore sa četiri odabrana izvođača – preduzeća iz Zenice, koja će izvršiti rekonstrukciju, odnosno sanacije društvenih domova u sedam mjesnih zajednica na području našeg grada.

Vrijednost radova kreće se od 23.208 KM do 102.149 KM, koje se osigurane iz budžeta

Grada Zenice. Rekonstrukcije i sanacije društvenih domova planirane su u mjesnim zajednicama Grm, Briznik, Pepelari, Raspotočje, Stranjani, Gornja Zenica i Perin Han.

Gradonačelnik Grada Zenica izjavio je da su u skoro svim mjesnim zajednicama društveni domovi devastirani, to su mjesta u kojima se građani trebaju okupljati, dogova-

rati aktivnosti za unaprjeđenje svoga života, a mladi ljudi treba da se više druže. Ovim projektom se Mjesnim zajednicama želi vratiti funkcija, da se građani više druže, da funkcionišu savjeti mjesnih zajednica i da se stanovništvo na zborovima dogovara oko prioriteta koje će mu Gradska uprava ili drugi nivoi vlasti realizovati.

DODIJELJENO 20 PLASTENIKA OD 100 m² SA DODATNOM OPREMOM PUTEM SUFINANSIRANJA U PROJEKTU

U sklopu projekta „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima,“ i na osnovu Sporazuma zaključenog između Grada Zenice i humanitarne organizacije „MAID“ od 13.04.2020. godine kojim su osigurana donatorska sredstva od strane Humanitarne organizacije „MAID“ 40 %, Grada Zenice 50 % i vlastitog učešća korisnika 10 %, u cilju razvoja plasteničke proizvodnje na području grada Zenice, Gradska uprava je raspisala Javni poziv nakon čijeg okončanja je u maju dodijeljeno 20 plastenika. Pojedinačna vrijednost jednog plastenika je 2.739,00 KM, a vlastito učešće korisnika (10 %



iznosilo je 273,90 KM. Pravo na učešće u Projektu imale su socijalno i materijalno ugrožene osobe i mlade osobe sa područja grada Zenice koje posjeduju vlastito poljoprivredno zemljište ili njihovi uži članovi porodice

kao i zemljište ustupljeno na korištenje ili u zakup u neposrednoj blizini stambenog objekta u kojem stanuju. Izabranim korisnicima uručeni su i odgovarajući priručnici za plasteničku proizvodnju.

U MZ MOŠĆANICA IZVRŠENA SADNJA 400 SADNICA ORAHA I CRNOG BORA

U okviru akcije proljetnje sadnje na području mjesne zajednice Mošćanica izvršena je sadnja stotinu sadnica oraha i 300 sadnica crnog bora. Sadnju su inicirali i realizovali mladi KUD „Mošćanica“, poštujući pri tome upute Kriznog štaba Grada Zenica vezano za trenutnu epidemiološku situaciju, kao i upute struke po pitanju odabira sadnica uz posebni osvrt na kvalitet i vrstu sadnica, te lokaciju sadnje.

Vrijednost sadnica iznosila je 500 KM bez PDV-a, a finansiranje je vršeno iz sredstava „ekorente“ sa računa PD Regionalna deponija „Mošćanica“ d.o.o. Zenica.

Održavanje i briga o posade-



nim sadnicama povjereni su aktivistima KUD „Mošćanica“, a stručnu podršku obezbijedila je Gradska uprava. Adekvatnom i redovnom brigom o sadnicama za očekivati je pozitivne ekološke,

sanitarne i higijenske efekte u budućnosti, kao i dodatnu korist od sadnica oraha. Na ovaj način od strane Gradske uprave data je podrška planском oplemenjivanju zelenih površina.

OBJAVLJEN JAVNI POZIV PRIVREDNICIMA ZA SUBVENCIONIRANU LINIJU FINANSIRANJA GRADA ZENICA I BBI BANKE

Gradonačelnik Zenice Fuad Kasumović i član Uprave BBI banke Emir Čehajić, potpisali su ugovor za formiranje povoljne finansijske linije za privredne subjekte koji posluju na području grada Zenice.

Riječ je o zajedničkom projektu kojim je osigurana finansijska linija u iznosu većem od 15 milona KM. Zahvaljujući subvenciji Grada Zenice, kompanije registrovane na području grada, mala i srednja preduzeća, sredstva iz ove linije mogu realizovati u BBI banci po veoma povoljnoj, subvencioniranoj stopi od 0,45 – 1,45% u zavisnosti od perioda trajanja finansiranja.

Korisnici sredstava

mogu biti obrti, mikro, mala i srednja preduzeća sa sjedištem na području grada Zenice. Namjena sredstava je za obrtna sredstva, trajna obrtna sredstva, opremu i investicije.

Gradonačelnik Kasumović je naglasio da Grad Zenica poduzima niz mjera za podsticaj privredi, kako bi se povećao broj radnih mjesta i zaustavio odlazak mladih ljudi iz Zenice.

Maksimalan iznos pojedinačnog finansiranja je 400.000,00 KM. Zainteresovani privrednici za sve detaljnije informacije o subvencioniranoj liniji mogu dobiti u filijali BBI banke u Zenici ili putem mail adrese corporate@bbi.ba

JAVNI POZIV
SUBJEKTIMA MALE PRIVREDE (MSP) ZA PODNOŠENJE ZAHTEVA ZA ODOBRENJE FINANSIRANJA

1. **PRILIKI ZA FINANSIRANJE**
1.1. Područje: Zenica

2. **USLOVI ZA FINANSIRANJE**
2.1. Vrsta poslovanja: obrtno, mala i srednja preduzeća

3. **NAJVIŠI IZNOS FINANSIRANJA**
3.1. Maksimalni iznos: 400.000,00 KM

4. **STAVKE ZA FINANSIRANJE**
4.1. Stopa kamata: 0,45% - 1,45%

Period	Stopa kamata
1. 12 mjeseci	0,45%
2. 18 mjeseci	0,75%
3. 24 mjeseci	1,05%
4. 30 mjeseci	1,35%
5. 36 mjeseci	1,65%

5. **PROCEDURA ZA FINANSIRANJE**
5.1. Rok podnošenja zahteva: do 31.12.2020.

REKONSTRUKCIJA DOMA MLADIH

Grad Zenica je otpočeo radove na rekonstrukciji objekta „Doma mladih“ u Zenici. Cilj je da se poboljšaju uslovi za boravak mladih, a kroz rekonstrukciju Doma mladih objekat će se dovesti u stanje u kojem se može organizovati druženje i educiranje, te drugi sadržaji prilagođeni mladim ljudima. Cilj je da se povećaju broj korisnika i posjetilaca i to za šest najaktivnijih udruženja kao i boravak najmanje 600 mladih. Ugovor je sklopljen sa najpovoljnijim ponuđačem UNIPROJEKT KOMERC INŽENJERING D.O.O. ZENICA u iznosu od 112.298,71 KM. Naknadno je imenovan Tim za nadzor - "JP za Prostorno planiranje i uređenje Grada Zenica". Radovi na rekonstrukciji će se okon-



čati do kraja godine. Kao i u 2019. godini, Grad Zenica i Agencija ZEDA će vas i tokom 2020. godine putem NEWSLETTERA informisati o ključnim aktivnostima. Newsletter ima za cilj da na jednom mjestu predstavi sve

značajnije aktivnosti koje su u toku, koje su realizovane ili da najavi ono što tek slijedi. Mnogo je toga već u toku, mnogo toga se očekuje i radujemo se novim rezultatima koje ćemo vam predstaviti već u sljedećem NEWSLETTERU.



IZDAVAČ: Grad Zenica; **PRIPREMA PUBLIKACIJE:** Služba za privredu i upravljanje razvojem i Zenička razvojna agencija ZEDA; **AUTORI TEKSTOVA:** Armin Mujkić, Maida Mujanović, Ajna Dedić, Maša Škrbić; **FOTOGRAFIJE:** Mirza Subašić, Emir Čaplja; **DTP:** Emir Čaplja; **ŠTAMPA:** MeligrafPrint Zenica